



SUKIA SUKIA familia

OKOBIO Elbarrena auzoko baserria da eta Lazkaomendin dago. Mugante da Lazkaorekin. Zaldibiko azken baserria da Okobio. Hiru bizitza ditu.

Mendebaldetik ekialdera: *Goiko(e)ne*, *Erdiko(e)ne* eta *Beko(e)ne*. Urte horietan hauek ziren hirueta-ko familiak hurrenez hurren: Sukia-Sukia, Etxabe-Etxeberria eta Usabiaga-Sukia. Bere inguruko baso eta zelaiei izenen artean dauzkagu *Iturralde*, *Aiztie*, *Sasti*, *Patatei*, *Argain-esnoi*, *Zelai-berri*, *Isistegi*, *Barruti*, *Azkonobieta*, *Sasti haundi barruti*, eta *Muittegi*.

Bertakoek diotenez, izena omen dator Karobi inguruetan kokatua dagoelako. Okobio izena agertzen da beste toki batzuetan ere Euskal Herrian, hara nola, Larraul, Belauntza edo Berastegin ere.

Baserritik elizara ordu laurdena dago eta auzoko oraingo bidea 1965ean egin zen, baina aurrena etxerainoko bidea Zaldibitik ez baizik eta Lazkaomenditik iritsi zitzairen. Etxerainokoa, Zaldibitik, 1988ra arte ez zuten izan. Egungo autoentzako bidearen ondoan badira oraindik beste bi bide Zaldibira iristeko, bata *Biandatik* behera doana eta bestea *Olaldera* ateratzen dena, egun GR bidez oinezkoentzat markatuak.

1900ean ezkondu ziren Lorentzo Sukia Zaldibiko *Auntxita* baserritik etorria eta Mari Kruz Arruabarrena, bertako alaba. Hurrengo hazaldian, 1931n, Pedro Sukia, bertako semea, eta Joxepa Sukia ezkondu ziren, eta orduan ere Zaldibiko *Auntxita* baserritik etorri zen Joxepa Sukia. Pedro Sukia

eta Joxepa ezkondu ziren egun eta ordu berean Lontxo Sukia (amabie edo aguazila) Martina Aranbururekin ezkondu zen, batera joan nahi zutelako ezkon-bidaian. Insistitu zuten eta lortu. Goizeko seietan ezkondu, gosaria egin Juankruzenean eta horrelaxe joan omen ziren Pilarikara. Hiru seme-alaba izan zituzten: Margarita, Maria Dolores eta Jexux. Pedro eta Joxepa ezkondu zirenean hiru hazalditako familiak elkartu ziren etxe berean: aitona-amonak, aita-amak eta seme-errainak (Pedro eta Joxepa).

Etxe-jabe dira Okobiokoak 1939az geroztik eta 1970ean egin zituzten etxeko konponketak, sukaldea eta komunak berrituz.

Baserrian baziren lau behi. Artaldea ere bazuten, ehun eta hogeita bost burukoa. Artoa, garia, babarra eta patata egiten zuten etxerako, eta Ordiziako ferian gazta eta arrautzak saltzen zituzten. Fabrikan lanean Jexux hasi zen 1963an, Lazkaon.

Baserriaren arrastoa idatzietan

Okobio ere agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaielen artean. Eta Okobioko ordezkari batek sinatzen du, agian, etxebizitza bakarra zelako orduan.

Informazio emaila: Jexux Sukia



SUKIA ARRUABARRENA familia
Pedro Sukia, Jexuxa Arruabarrena eta Inazio Sukia.



SUKIA SUKIA familia
Margarita, Maria Dolores eta Jexux (anaia-arrebak).



INTSAUSTI SUKIA familia
Margarita, Lurdes eta Patxi.



SUKIA SUKIA familia
Inazio Sukia, Margarita, Pedro (aita), Maria Dolores, Jexux, izeba Jexuxa eta osaba Julian.